





山豐對樓詩選目錄卷第五

七言古詩

廣陵陳大科手校共得三百五十五首標為八卷入梓

遊西施洞

遊善卷洞

遊張公洞

謁征西將軍廟有序

荆溪夜行答贈邦憲

晚發桃花渡

錢唐潮

與吳汝復蔣季柔游黃山

與邵偉長將軍葉深父文學遊武夷

舟中聽吳謠

四明山長句

題漢宮春曉圖



為張大司馬題王諤画赤壁圖

為徐文長題九龍卷

題沈周画吳中全勝卷

為王元美題沈啓南画春山欲雨圖

褚生  
銅琴篇有序

瘦馬行  
出獵篇為徐記室與王將軍作

浴鳧池館觀朱邦憲唐子才投高壺詩呈趙太

僕時章

和王元美兄弟賞贍美山亭紅梅玉蘭詩

輓陸太學思豫有序

莫雲卿席上聽琵琶歌

送方國華北上  
送王四仲房歸鄆郡

賦得美人行送向師悅北上

送呂山人中父  
送張孺毅北上

送人還黃山  
送余廿二君房赴揚州

建溪送別葉深父

建溪送別偉長將軍赴南海

寶刀行送從子肩吾會試

送馬明府叔明之桂林靈川

送屠長卿十四秀才赴太末



至日同朱邦肅朱伯傳朱仲敬過顧汝和王泓  
館觀唐玄宗手書所作鶴鴿頌卷顧汝脩在  
座

世說新語詩選卷第五

甬句東沈明臣嘉則父著

從子沈九疇箕仲氏選

七言古詩

遊西施洞

窈窕西施越溪女浣紗石上嬌無語朱顏羞死芙蓉  
花句踐聞之還竊喜妝成妖豔美且都傾城傾國真  
名姝一朝進御吳宮裏粉黛三千泣不如吳王得汝  
惟情密白晝為宵月為日水殿雲樓接洞庭醉中不  
覺姑蘇失我家亦飲苧羅水與汝千年共鄉里一自



吳亡竟不歸煙水茫茫何處是故鄉知爾思悠悠月  
缺花飛春復秋土花蝕斷寶釵股石髓膠殘金鳳頭  
即今古洞我來遊夢裏襄王空見求鐵笛梅花三弄  
曉欲乘范蠡去時舟

遊善卷洞

昔聞善卷薄天子不受舜禪來迹此赤符使者何處  
尋百尺清潭洗其耳遂令此洞名善卷上乾下水三  
洞連幽深竒絕不可狀秦人空把桃源傳欲呼太白  
題長句南山之作唯韓愈我才薄劣柰爾何落筆恐  
遭山鬼怒小洞千秋玉作泉石髮十尺浮龍涎呀然

一罅坼壁底深黑獨許蛟龍穿古時墮石不敢墮王  
柱下垂三萬箇倒挂蒼藤挈巨鰲舌吐神飛膽驚破  
從南更轉九斗壇壇迴陟覺飛青湍白龍蛻骨幾千  
段峩峩窳窳復萬盤谷虛水急錡鐘鼓崖馳壁走獅  
象舞欲滴不滴排乳窠有聲無聲濕晴雨水田壘壘  
仙人畊玉禾金黍何年生黝深瀕洞不可測誰持照  
水犀而行近聞御史頗好事束版為桴討魑魅白日  
老龍不得眠厲風怒水驅軍吏伏流倒向小洞奔却  
疑人世非乾坤胡麻之飯流未出凡人豈得尋其源  
想當鴻濛欲判割壁之大冶洪鑪熱金鎔百沸幻泡



竒清水經風盡疑結不然胡為妙莫窮水晶鏤刻珊  
瑚空月中疑無廣寒殿海上豈有蓬萊宮石洞參差  
疊樓閣巨靈六丁不敢鑿我狂欲借天斧開割裂山  
皮觀厚薄上洞更竒何所無石床丹竈金玉符萬竅  
璽瓏嵌鬼面千神怒勇擲頭臚山僧把炬為前導顧  
盼茫然唯大叫奔騰飛舞詫神竒戲闢笑哭窮天造  
最怪中撐玉筍長仙鼠夜放明珠光豈是仙人未離  
食米鹽尚積千年糧洞外春風寒刺骨洞裏氣蒸汗  
濡髮路深火短不盡遊隔斷仙凡真恍忽出門磨石  
題姓名古苔落粉青花明同曹呼酒且一醉世間萬

事皆浮萍善卷所以棄天下我亦胡為戀鄉社拂衣  
從此種桃花欲上青天騎赤馬

遊張公洞

昨日遊善卷已謂天下無山川今遊張公洞千驚萬  
怪疑為夢嗟我壯心欲與山爭雄大肆筆力天無功  
乃今欲着一語不可得始知天地之勝唯有茲山鍾  
我昔探禹穴又曾躡武夷武夷峻削禹穴古那如此  
洞幽而竒張道陵柰爾何何年到此騎青驪我今呼  
爾問踪跡爾去人間爾誰識丹鑪無火石牀寒唯有  
空山萬拳石萬拳之石何纍纍幻形變態將胡為造



物無以顯靈異故此劇戲令人疑山靈欲闕闕不得  
天公為之驅霹靂一斧劈破神鬼愁遂令萬古青霞  
坵巨闕前開後通竇暗中一線青天漏離奇詭怪萬  
狀陳寶藏龍宮與天閉兩崖歎又愁攀援側身却走  
脚在有谿訝崒崒亂撐拄把炬自照行難前石色黝  
然堆古澗膩滑十步九步失乍驚墮落千仞坑又詫  
飛騰九天窟燎滅燈昏只尺迷萬轉千盤無路出丹  
砂夜照鬼燈紅自有乾坤無白日劃然一隙通天明  
羅列萬戶排層城頓足大叫舌不縮是誰槌碎瓊樓  
傾長廊飛來駕巨怪脩簷掀突歌朱楹橫撐直豎互

糾結纏綿雜沓皆相成玉柱墮地不到尺瑤棟挿天  
懸半壁寂若閉門閉落花開如綺戶迎仙客險逼重  
關鎮華夷嚴同帥府森戈戟石乳綠結千年苔又如  
五色蓮花開佛手擎雲不可摘玉芽迸筍何人裁蜂  
房簇擁參差向短者五尺長者丈低張白玉雲母屏  
高舉素錦芙蓉幃盤盃積水寒玉膏掬之洗眼明秋  
毫恨無金丹煉紫石出門空嘆朱顏凋吁嗟乎平生  
之性嗜登陟茲遊信足償吾癖一掛萬漏不敢辭聊  
著狂言作遊籍只恐五嶽之高徒在青雲中猛然欲  
去無長風不如坐石投壺喚玉女把酒一醉酬張公



謁征西將軍廟 并序

嘉靖丙寅冬同朱邦憲至宜興偶過謁周將軍廟時提督軍務都御史張公使人打碑廡下縣官又具私馬數百蹄為驛以應部使者臭穢不可入謁罷愴然退與朱生各賦一詩紀之

義興縣東城北隅蕭蕭古廟田中居入廟看碑識周處壁間仍有晉時書陸機文義之畫高題英烈將軍額中丞好事來打碑墨花未透冰凝石首尾猶存數十行字跡剥落經幾霜中間欲讀不可得使我感慨

徒悲傷况聞上司索馬騎縣官供給先點齊東西兩廡古碑下聚卒立馬千百蹄嗚呼城中萬家邑豈無一室容馬立烏騅赤兔向風嘶豈是將軍戰掃日樞衣上殿知英雄階前下拜生悲風竹色松聲自虛壁積雪故照殘陽紅嗚呼將軍一何武斬蛟射殺白額虎折節終成文武才按劾不避權貴怒五千孤旅戰梁山弦竭矢窮知死所形容何必丹青傳燁燁精靈照今古神遊曠八極殿宇今摧頽屋後青山塋衣甲敗垣春雨無花開嗚呼三塚纍纍宛相似老樹千年半凋死墓田冷落幾家畊一泓野水秋風起同遊正



與朱生來朱生慘然吾亦哀問我他年如作令封墓  
式廬崇祀敬先賢廟貌委塵埃縣官不知無乃病風  
紀人心國之命前典無存後何鏡却笑朱生真太狂  
先向山人問為政

荆溪夜行荅贈邦憲

與君夜進荆溪路風雪連宵斷人過山空老鳥噤不  
啼萬壑寒聲撼天墮地凍石滑冰嚙船十夫牽挽無  
能前憐君氣猛不肯歇打鼓發譟呼朗月忽驚朗月  
天上來雲盡高寒照空雪月光雪色何離離仰天長  
嘯風淒淒興高索酒飲一斗景物入手縱橫題題成

自謂鬼神助何如枚馬梁園賦勝事須憑彩筆傳繡  
口能將錦心吐玉女朝天不画眉仙官謁帝真披素  
人世何憂不識君只恐天愁鬼靈怒擊劍狂歌歌且  
舞為君大賞荆溪語一字償君一斛珠世上黃金賤  
如土

晚發桃花渡

三江日出水如煮桃花渡頭動風雨毒龍駕雲海上  
眠老蛟挾雷波面舞湏臾風定雷雨收戰罷塵清息  
鼙鼓鼓柁江流水尚渾雲脚城頭日斜吐青林潮送  
白沙灣白布帆行赭山樹一重一掩翠屏高回首江



園隔秋浦

錢唐潮

低昂天地分高厚何年何日何人剖元氣茫茫直到  
今瀛海洪波必先有大禹當時入會稽錢唐之潮古  
來久不知此水孰推移地軸翩翩若權蹂倏忽噴薄  
天馬嘶往來日夜空雷吼豈是饑蛟鼓怒腮定應痛  
觸虬龍首排天濁浪萬里橫濺日飛濤千丈走乍驚  
白練亘遙空久注銀河傾北斗海門飛動雪痕微江  
岸激迴山勢陡黑雲濕壓長城頽黃沙塞斷飛狐口  
長風滅廓詫神奇急兩奔騰失前後耳驚目眩心膽

雄南鵬北鷗俱莫守端倪不測機頗玄我欲因之問  
莊叟只恐崑崙徙向東四足之鰲不能負潮兮潮兮  
柰爾何無乃天公弄蒼狗須臾看罷江水平一片斜  
陽挂衰柳

與吳汝復蔣季柔游黃山

吁嗟黃山兮何獨三十六峯而已乎龍蛇盤盤走千  
里青蓮萬朵浮江湖元氣茫茫闕日月吐雲納霧滄  
溟枯噓吸陰晴散風雨水分楚越通三吳青鸞蹲踞  
舞勢歇雲門闔闢誰能呼咆哮獅子吼孤月千年桃  
花知有無常聞軒轅帝容成與浮丘丹成八甲子白



日昇天遊寶函玉壺渺何所空聞三十六源春水流  
將玉孫吳夫子吾今與汝來共洗清溪耳相逢有酒  
當笑謔唯有劉伶達生死吁嗟兮黃山汝胡不為平地  
兮為平川直齷齪乃在青霞顛使我側身望之徒茫然  
有翼無風空可憐容成子浮丘伯喚不來招未得黃  
帝深深居紫極寄語世間人莫鍊丹砂石不若手持  
蒼玉藤拄破青天九秋色

與邵偉長將軍葉深父文學遊武夷

丹梯倚天天欲赭九曲青龍走其下崩訇石扇窈窕  
開鴻濛之初誰鑄瀉崢嶸峭拔何處來夫乃三神之

山從霹靂而化者剛風割雲劍戟嶺古鐵磨空日月  
寒恍驚天孫錯剪錦繡段又疑胡雛跪獻珊瑚盤蒼  
壁橫開欲千武錦屏高張如百堵幽怪虛勞說幔亭  
瓌瑋無能過天柱瑶草青葱冬不凋白鹿可馴鶴可  
調當時毛女杳然去洞口春風空碧桃余也本狂士  
十年三到此欲起武夷君為之扣終始武夷之君今  
已死十二真仙竟誰是子騫頭顱墜空山我亦因之  
罷憂喜邵將軍葉夫子經營天地將何以南平百粵  
駕樓船七尺龍泉電光紫請君揖謝武夷君稷契巢  
由那得聞橋邊黃石知心事未許清溪弄白雲



舟中聽吳謠

孤舟夜傍垂楊底  
新月半天明  
綠水楊葉盈盈白露  
垂長風吹入孤舟  
裏孤舟孤客眠未成  
歌枕自釋吳歛名  
不是江南采蓮曲  
即為子夜四時聲  
落梅何處飄晴雪  
折柳關山腸斷絕  
艷情逸響誰不憐  
哀王悲箏悄然闕  
輕似遊絲惹落花  
高如急管悲秋月  
急管聲聲叫入雲  
落花無力委紛紛  
誰家嬌女不懷春  
何處妖童不愴神  
自解江臯交甫珮  
定窺東壁宋家隣  
窺隣解珮何時已  
錦水鴛鴦結羅綺  
芍藥傳心鄭女嬌  
瓊玖報恩衛妃死  
當時玉樹後庭花  
一曲未終江

月斜

四明山長句

李白夢天姥煙濤茫茫走東魯  
隨風吹墮禹穴來萬里  
心魂挂瑤圃興公賦天台  
赤城霞氣標蓬萊五采  
肝腸濯翠海九天日月披銀臺  
四明之山誰所鑿天公為我開  
樓閣雙牖高者烏兔飛四窓平見  
星辰落青雲冥冥豁洞天使我坐  
閱心茫然手捫白虹不到地  
眼睹綠雪吹春煙九州點破黑子  
大滄海東窺一衣帶天上銀河貼  
面流神遊八極吾將柰千秋闕跡  
人莫尋萬古靈踪此真快二百八十  
峯天簇青芙蓉



丹山穴紫鳳赤水蟠黃龍氣雄五嶽掩天柱勢奪十  
洲凌閭風不周山崩誰所觸祖龍沙丘不敢哭騎龍  
跨鳳訪仙曹朝向崑崙暮王屋願呼樊夫人為我訝  
且舞手拍洪崖肩醉枕赤松股瓊房瓊臺七十二恐  
是蓬壺世難睹雙雙帝子怨蒼梧穆王馬蹄知有無  
金書玉簡秘不得越水至今流禹都

題漢宮春曉圖

大風譎兮亭長歸沛上父老生光輝四海山河一家  
土太平忘却白登園文景富庶四十載後宮綈皂無  
繒綵可憐後帝恣懽娛制度紛紛盡更改茸泉長樂

遙相憐終南渭水豔陽天金屋沉沉春似海阿嬌未  
老衛夫憐昨宵曾醉昭陽殿飛勅明朝開早宴宮監  
點名夜不眠妙舞誰能過飛燕銅籌欲盡未央時流  
鶯已在垂楊枝綺窓繡戶綠煙裏太液池水融胭脂  
玉面桃花鬪顏色紅雲煖夾梨花白料峭東風脆管  
絃樂府新翻先暗識私將珠玉賂中官多方欲買君  
王懽辟寒金落誰人手含羞欲進嬌盤桓殷殷遙聞  
雷暗響雉尾紅開雙扇掌青眸皓齒列三千一一將  
名親疏上君王寵愛忽更新蛾眉都帶西施顰承恩  
今日當筵者莫問秋風團扇人



為張大司馬題王諤畫赤壁圖

長江漾渺吞吳楚赤壁臨江照今古  
洪波春天山欲搖白日坐見蛟龍舞  
當年戰艦江面排鐵鎖連環摧不開  
曹瞞橫槊訶聲起烏鵲不飛明月來  
眼中已無吳與蜀雕戈冷拂天霜綠  
周郎年少方戰酣一炬東風魏兵哭  
火光歆與咸陽高炙天煮水魚龍焦  
黃州渡口孫吳喜黑松林外曹瞞逝  
人生得失反掌間英雄萬事空江山  
江光山色千年在風流勝事如相待  
團練官閒蘇長公與客携舟汎蒼藹  
兩賦名垂日月光至今不知傳幾霜  
錦衣畫者名王諤揮毫十尺懸

高堂

為徐文長題九龍卷

羅刹江頭雨如注海門簸蕩搖天柱  
山氣稍開風稍微黑雲漸薄疑初曙  
山陰故人徐孺子作客來住吳山裏  
與余相違九月強一見街頭問行李  
要余入山具酒漿酒酣劇談神鬼僵  
拂拭松窓出縑素開卷灼爍驚電光  
電光炯炯眼花亂九龍爭飛在天半  
雲奔水走翻低昂海若天吳競奔竄  
滅溘長風肘後生崩轟霹靂天為傾  
變化隱約不可狀霧滃濤瀾鱗甲明  
昂頭露爪令人悸雙飛獨舞俱成勢  
天地為之清濁



豐登集卷五  
移海岳須臾驚捲去徐生把酒索我題搖筆不敢輕  
為詞脫巾大叫問所以濡墨嚙水知為誰當時畫者  
陳公儲百世獨步誰復如即如此卷亦不易摩挲使  
我空躊躇嗚呼畫龍尚可惜魚服塵中更誰識出門  
長嘯風雨涼萬壑淋漓翠猶滴

題沈周畫吳中全勝卷

生平慣作吳門客遍歷吳山浮震澤盤閭門外石湖  
前日買蘭舟弄秋色長洲竹樹揔煙霞茂苑池臺半  
阡陌姑蘇山上吊吳王館娃宮廢雲空白玄墓穹窿  
雪裏登澄照天池月中識最憐窈窕越來溪春風萬

樹桃花迷茶磨嶺頭逢日出那見山下聞鷄啼紅泥  
亭子誰家館赤欄橋伴垂楊綰少年行樂苦日短響  
櫂無廊月空滿洞庭雙髻青螺山望之只在斜陽間  
微茫天際渺然去一僧獨載春波還野寺幽尋几幾  
處蕩槳遙穿雨中樹即今夢寐在蘇州恨不移家太  
湖住為登白岳過君家高樓滿貯吳中花細雨焚香  
出縑素石田老子尤堪誇繭紙橫裁盈五丈開卷煙  
霞起屏障盡寫吳中勝竒我身已在胥江上願君  
沽酒向高閣使我携之破寥廓况復秋深月色清何  
如艤棹楓橋泊



豐世詩選 卷五 十二  
爲王元美題沈啓南画春山欲雨圖

東風吹暖海氣惡黑雲摧山白雲薄眼前疊嶂埋峯  
頭水北高林穿日脚鶉鳩亂啼花亂飛溪漲濃嵐雨  
將作欲來不來天半昏似將混沌疑乾坤推移不識  
上帝意猛虎如排閭闔門九閭不扣玉女泣天吳播  
蕩江湖立電毋權傾霹靂遲但見烟霏草頭濕芙蓉  
山前茅屋低東陽老子開剡溪筆端欲奪造化力倏  
忽雨氣生淋漓詩成繪了已寥廓天高地下還清濁  
花明樹綠呼酒來怪無客至相酬酢百年遺墨塵眼  
空神物今歸王長公長公兄弟把相示醉後揮毫姓

偶同

褚生

洞庭無雲水光碧君山仙官起吹笛呼龍畊煙種玉  
禾喚鶴開門款丹客壇上松花黃雪積門前芝草長  
一尺白石爛煮砂粒紅青精欲熟鑪煙黑日高垂簾  
誦黃庭燕壘香泥落空壁

銅琴篇

有序

吳仲足携族子德望所藏銅琴示我爲賦一  
百八十九字盖余平生耳目所未睹記

青銅合體黃金相軫以白玉排鴈行絲彈蜀繭啼鳳



皇誰其作者古帝王按圖考識題大唐璽文雙篆鳴  
玉方玄宗協律精宮商豈當在御樂且康伊昔抱至  
置我床青天拂匣開錦囊白日倏忽相低昂翡翠照  
爍琉璃光丹砂點漆流星芒纖指觸絃響喑喑蒼梧  
飛雲頽不揚見者黯黯頽而長延陵考國推大章裔  
孫寶秘十襲藏明珠大貝俱尋常荒墟斷磧經千霜  
鬼神呵護不敢傷天地不得闕厥良復使人世窺虞  
唐我欲薦之登明堂九原誰再起師襄夔孔同室國  
祚昌皇帝萬歲永無疆

瘦馬行

竹批夾鏡鐵連錢四蹄蹴踏胡雲穿昔從沙河戰百  
合今歸瀚海馳三千風高雪深草枯落鐵骨蘭筋卧  
寒壑滅影流光空寶鞍翻雲掣電虛金絡首萑蕭蕭  
春未生主人情重長哀鳴伏櫪稍寬奴隸手秋來還  
去奪番營

出獵篇為徐記室與王將軍作

秋潦始歇天空明太平門外無人行沙岸風迴草頭  
短兩脚射日黃雲平吳山南吞海壖盡百里平郊江  
潤潤轅門大旗飄淺黃游擊將軍試鷹隼拜邀記室  
觀獵場古之徐幹今文長夾鎧提鞭上馬去白羽挿



房金幹香將軍令嚴壯士猛龍飛電掣無留影但聞  
怒怒兩耳聲飛鳥應弦狐兔屏徐生氣豪心膽雄直  
欲萬里追長風崆峒扶桑挂眉睫紫騮四足輕飛鴻  
老瞞黃鬚握齷子橫槊賦詩安足齒學書學劍萬人  
敵一雙瞳神秋水碧今為楫客坐籌邊開口何方吐  
竒畫將軍夜行何所為短衣射獵南山陞北平太守  
斬醉尉胡乃盡為緣數竒聞君亦向田間飲割鮮擊  
缶醉欲甚袖毫自製羽獵篇半夜長歌不成寢

浴鳧池館觀朱邦憲唐子才投高壺詩呈趙太

僕時章

高館澄波沉綠雨唐生選勝邀賓處桐花未盡燕樓  
梁小錢貼池百舌語堂中玉壺高丈許兩雄對壘誇  
長枝矢聲落鼓春漏遲酒滿玻璃寒玉乳鏗鏘迸地  
墜流星貫耳穿心驚復喜負徒就飲攏長纓饑蛟注  
海吞無聲勝者張旗鼓餘勇把箭似欲摧長城伸臂  
仰天目不瞬卷鞞大白仍自進咋指揚揚意獨矜卬  
鄆道上逢蘆蘊白日欲隋土芙蓉溪柳稍新月生天西  
出門賓主俱大醉太僕先還碧玉蹄

和王元美兄弟賞瞻美山亭紅梅玉蘭詩

三月三日天氣晴東吳花事何縱橫王家園亭最竒



絕千樹萬樹啼流鶯流鶯宛轉春光膩玉蘭紅梅眼  
中刺瓊花照人高入天絳雪可餐紛滿地瓊花絳雪  
柔愁何紫綬霓裳天上多穠李天桃盡凡品不數嘉  
州優鉢羅招邀群從遊花下大嚼豪吟恣風雅神情  
散朗故名家連枝高會真飄洒几席疑陳曲水前風  
流絕勝永和年右軍手搦如椽筆墨瀋淋漓醉後傳

挽陸太學思豫有序

思豫文裕公儼山先生子也以蔭補太學博  
學宏才負時重望屢試不中嘗聞兩為忌者  
排落云故與余善時與余遊郭外見余賦詩

乃把余手曰陸生何人邪余曰君乃佳公子  
賢豪人也陸生恐曰余乃沈明臣榜進士也  
後一年竟病死又二年其嗣子郊從余授易  
去今已十七年矣知已下世余亦淪落撫時  
追往攬涕成詩

陸機才名天所忌兩魁南北皆擠去絳灌從來惡少  
年英雄那得推高第哀君恨骨蒿里填知已獨抱文  
章冤君應地下慨白日我猶世上疑青天青天白日  
不可返生者徒將死人輓流水東流去不還過君故  
里青山晚學士門墻高入天青雲忻有後人傳當年



豐登詩選 卷五  
醉酒狂歌地紅滿  
璣瑜玉斗前

莫雲卿席上聽琵琶歌

莫卿乃是豪俊徒  
兩眼睥睨天欲無  
少年文章屈董賈  
不肯折節為小儒  
結交海內多長者  
四座上客懸明珠  
錦筵高張列華屋  
閒房喚出秦羅敷  
脫衣搥鼓痛處士  
使酒罵坐容灌夫  
主人起舞客大醉  
花影零亂搖金鋪  
合尊促坐燭復明  
小結六尺雲母屏  
美人一奏琵琶行  
銀箏錦瑟俱停聲  
哀絃寂歷雍門泣  
緩指森脉春波平  
楚詞吳歛越謳并  
霍然罷奏四壁靜  
古聲悠悠今樂悲  
頓使文侯睡還醒  
漢庭公主嫁烏

孫嗚嗚咽咽啼聲吞  
秦人長城苦行役  
斷盡閨中未死魂  
嗟余多情亦多怨  
相思淚結桃花片  
月落鷄鳴香粉銷  
別有風光貯西院

送方國華北上

君不見馬相如尚書  
給筆賦子虛建節冉  
驪何赫奕歿後空傳  
封禪書又不見楊子  
雲石渠侍從揚清芬  
草玄復作美新論  
投閣之耻千年聞  
故人方君天下士  
詳賦凌雲馬楊比  
忽聞辭我遊帝都  
高名已動京師裏  
京師豪雋知爾才  
定應結內同徘徊  
骯髒不與俗士合  
秋風長嘯黃金臺  
黃金臺高百尺紫  
霧紅雲



幾重隔昭王已葬燕山中按劍翻嗔投白璧吁嗟乎  
曼倩不沉銅馬門那能割肉遺細君漢庭不議叔孫  
禮邨得黃金賜遊士大鵬奮翮揚赤霄匹夫一言取  
青紫我思郭有道千載真吾師臨風想折角愴然爲  
之悲君今有素琴爲我彈一曲解我雙愁眉毋勞嘆  
空谷我歌行路難歌罷慘不歡且弄滄江月莫作離  
別嘆四明山頭霞可餐何年歸來共盤桓我今只欲  
釣滄海烏得百尺珊瑚竿

送王四仲房歸鄞郡

嗟余落魄四十載名在青山老東海翫麟空憐一片

心今日對君訝慷慨王先生知爾乃是人中英鳳麟  
不瑞世天地爲之傾王先生柰爾何五十徒然守文  
字古來憤懣英雄多憐君懷寶邯鄲賈握齟公卿何  
足數獨携肝膽向天涯握手傾心友屠酤破產不言  
家已貧結懽盡是賢豪人道逢擊筑吹篴者便與一  
醉都門春雖在風塵中却有神仙骨燒丹十岳尙煉  
藥三山窟白日思騎玉鳳飛青天欲跨蒼虬出季布  
重然諾劇孟朱家儔仲連天下士無乃王生俾與余  
一見錢唐上謂余任俠心相投屢月陰晴事徵逐携  
錢數過酒家樓論心不在古人後撫掌大笑輕王侯



豐登博選 卷五 六  
今日飄飄別我去挂帆歸指黃山路高堂前月寄書  
來眼穿遊子烟村渡王先生柰爾何飲君酒聽我歌  
莫愁白髮空蹉跎猛氣直欲吞黃河君不見挽白日  
魯陽戈

賦得美人行送向師悅北上

吳江水綠楊花白美人欲去情脉脉南風吹船向北  
飛我欲留之不可得美人去去青天中霧閣雲窓三  
萬重燕姬趙女總殊色何人最是如花紅如花紅信  
難比王嬙昔在漢宮時隔却重門萬餘里美人畫眉  
長短間玉盤粉面堆青山妍媸自別有明鏡臨妝慎

莫啼紅顏君不見東隣幼女事豪奢選婿嫁與王孫  
家王孫置妾滿華屋愛不崇朝多反覆又不見西隣  
老女嫁田夫朝向田間暮事姑不及十年兒女大別  
離怨曠一生無

送呂山人中父

與君同庚復同里四十五年才識爾相見翻憐在異  
鄉相親頓覺如兄弟君家春鷓忘急難我家堂前紫  
荊死一言一哭一聲悲君淚如珠我如水即今別我  
去何方自言只在乾坤裏乾坤茫茫海岳長邠得扶  
搖大鵬起昔年嘗走齊魯間紫霞高冠白雲履兎園



上客比鄒枚長揖侯王傲天子俠骨能令壯士香高  
懷可使狂生耻酒酣詞賦欲凌雲墨客騷人盡披靡  
歌聲振落太山雲夜半登顛脫雙屣醉擊秦王無字  
碑長嘯大呼呼曰你你是秦人爾汝稱漫罵祖龍何  
有耳君乎豈是浪遊人墮地何慚射弧矢豪傑生身  
天地間只合從天任驅使乃今落魄不逢時豈肯低  
眉窺指眦我今沽酒對君懽莫謂無能報知己

送張孺毅北上

昭王築臺禮郭生樂毅下齊七十城燕太子丹報秦  
急荆卿匕首函關入易水浩浩金臺荒君今何處羣

田光我今送君君別我君應思我燕山下燕山九月  
秋風高黃葉飛飛打君馬君騎馬出燕市中倘逢擊  
筑酣歌者高漸離氣何壯擊筑更衣坐堂上即今豈  
亦有斯人為我慙動問無恙風塵漫漶天地昏感激  
願與君同論近聞左右除鼯鼠堯舜一洗新乾坤乾  
坤新日月朗四海賢豪思抵掌當朝元宰用竒才一  
日薦賢蒙上賞君才磊落空人群纖離逐隊成錦雲  
八尺之龍豈凡廐我亦忼慨生訢訢君去矣我持杯  
杯乾月落潮已迴明朝望月知何處江樹離離江水  
隈



送人還黃山 時客揚州

廣陵城頭夜鼓急  
罷酒停絃起長揖  
明日邗江一送君  
風吹憤淚青天濕  
嗟君乃是天上人  
不合下謫隨風塵  
氣高才大不得用  
譬之縛龍鐵鳳鞭  
麒麟憶昔結交破產為  
俠客黃金十千如瓦  
擲當時酒伴皆不來  
不肯大書翟公宅  
空囊奉母還故鄉  
石田破屋黃山莊  
雙眉不解向人皺  
擊劍鳴環謔慨慷  
短衣躬畊給妻子  
白眼睥睨天蒼蒼  
東書新草左思賦  
著就十年人莫顧  
願將副本藏名山  
閉口不問長安路  
昨日投詩別我行  
靈蛇在手人共驚  
十襲藏之不敢發  
冰

行只恐蛟龍爭噫吁  
噓為君且泣還且謔  
漸離其柰荆卿何  
我欲洗此濁世波  
與君舉手挽黃河  
九曲九萬里可憐  
齷齪猶自多欲謔  
行路難塞耳難聽  
心自剗蜀道不為險  
三峽無波瀾誰家  
紫荆樹青棘森攢  
攢我昔蒙大難長夜  
不能旦起讀鳴鳩詩  
寒星耿河漢嗟哉恨  
填胸深與溟渤同  
精衛口流血啣石填  
海中海不可滿石不可窮  
壯心未已天地為終白  
波摧山撼天風丈夫  
世上誰雌雄赤日為之貫  
白虹

送余廿二君房赴揚州

春寒雨積千里陰  
高江水漫天沉沉  
余生辭我刺船



去濕帆不挂烟濤深憶昨我經揚子渡花愁顛風柳  
愁霧二十四橋無處尋漠漠空江沒爪步今年君亦  
去揚州送君別君立江頭願天放晴快君意白日大  
照平江流此時揚州好風色金山正對瓜州碧故人  
從此向邗溝騎馬雷塘訪遺跡雷塘遺跡不可聞隋  
家遊苑今荒墳樵牧牛羊落日裏異代誰憐亡國君  
亡國之君何足數君本賢豪復年富蕪城春色借光  
榮淮海山川待詞賦我懷古人當再陳李白散金如  
散塵三十餘萬一年盡落魄公子來相親城南酒樓  
今尚在姓名不逐乾坤改勸君酌酒揖江雲莫道英

魂隔千載

建溪送別葉深父

葉生讀書四十強少以博洽凌詞場頭白安能事筆  
硯拂衣自起磨千將投筆願為班定遠三石強弓手  
能挽丈二之組繫單于封侯莫咲書生晚去年鄉書  
薦高第走馬長安求一試塌翅迴谿今且歸收復桑  
榆成大器與君傾盖當武林南行共泝錢唐深橫海  
將軍君好友爾我頗得披冲襟匹馬穿雲楚山濕怒  
石奔湍建谿急夜涼飲酒坐船頭月射秋虹水光立  
洒泣別君君且休丈夫意氣輕王侯浮雲富貴豈難



豐登詩選 卷五 三三  
致請寶腰下雙吳鉤

建溪送別偉長將軍赴南海

將軍才抱文武全起家射策漢庭前身經大小百餘  
戰渤海功名常在邊歲歲防春垂廿載壯心不變頭  
顛改封侯盡是故等夷自憐蟣虱生銀鍠惹茲終明  
馬伏波謗書其柰樂羊何一朝天子賜金印南向蠻  
天下尉佗雲中魏尚還為守北平李廣仍垂綬萬騎  
春雲五嶺頭千艘夜月三江口五嶺三江天地清樓  
船元是漢家營腰間寶劍雙龍起帳底玉笙丹鳳鳴  
偶投南徼同君行將軍不肯輕書生致詞邀我羅浮  
去莫待梅花落遂聲與君把手向君別請君視我張  
儀舌欵上任置百尺樓為余先掃藍關雪

寶刀行送從子肩吾會試

我有寶刀長尺五佩之十年共辛苦蛇皮作鞘玉把  
頭金環緊繫青絲組光奪秋霜照膽明刃可吹毛白  
虹吐礪鷄膏淬昆吾精陰山鬼哭并州土銛能切玉  
如切泥水剗鯨鯢陸犀虎我家阿咸文且武萬言三  
上千明主解贈腰間動風雨一片雄心鐵花古揖別  
西郊謝諸父但願清時用干羽

送馬明府叔明之桂林靈川



荆雲搖白蒼梧秋荔江水淥天如油鄂侯青雀湫何  
所翠被榜人空越謳茜裙莎草黃陵女舜廟堯山怨  
春兩舊淚猶斑新竹枝今月空懸古時樹九疑崔嵬  
白雲間洞庭風起波連山極目蠻天帝子怨斷腸芳  
草王孫還明珠曉濺鮫人室哀絃夜鼓湘靈瑟往事  
千年不可知青削芙蓉天外出重江睽嵐帶青羅瘴  
煙毒霧浮牂牁荒荒日落獠人洞夷舞蠻謳柰若何  
使君銅章鞞玄綬漢室循良推卓茂不辭五斗迎督  
郵寧為丹砂乞勾漏終日鳴琴不下堂屏風定取列  
星卽靜窺案牘榕陰綠退食公庭蕉子黃秋高鴈斷  
衡陽晚萬里題書莫辭懶故人江閣楚天南政成無  
事須強飯

送屠長卿十四秀才赴太末

春江沉沉雨聲歇布帆十丈明於雪迢遞青山江樹  
稀送汝扁舟向姑篾姑篾城頭花未齊偃王廟裏鳩  
初啼高灘水落舴艫急潭黑龍眠雲霧迷千峯萬峯  
月出際倚樓思君讀書處讀書蚤已破三墳出語春  
雷轟九地莫將草色怨王孫莫道無人日倚門定知  
見橘懷來早香撲高堂春酒罇

至日同朱邦肅朱伯傳朱仲敬過顧汝和王泓



豐亨詩選 卷五 三十四  
館觀唐玄宗手書所作鵲鳩頌卷顧汝脩在

座

至日起傍寒梅枝海霧塞天黃日遲客懷磊落無一事過訪辟疆煙水池玉泓高館立池上潛魚起沫春光熙主人翰墨咤填委金薤琳琅紛陸離自言新從帝鄉返買得至寶函持携錦絲十襲啓未竟陡覺焜耀光芒馳薔薇露水濯我手緩舒細卷開雙眉開元小璽竟半寸楮墨空處緘龍螭文章煊赫驚雷電筆力遒勁迴天倪口吟目覽手畫腹驚喜不覺花磚移開元之初賢帝主長枕大被真怡怡薛王壽王各醒

醉春令之頌非此時瑤殿瓊枝幾千樹小鳥百萬鳴飛隨花萼樓前好風日豈如田氏紫荊竒異世傳來宛然在可憐不載魏卿詞想當落紙春風處祗應未使王環知

豐亨對樓詩選卷第五



豐對樓詩選目錄卷第六

七言古詩

佳公子行

留別吳邵武明卿

別贈吳山人子充

留別吳子荆九客館

憶昔行留別朱顧二子

遠遊篇贈梁六伯龍

贈紫霞山人歌

贈俞士行

賦得廣陵濤贈李紹植

贈嶺南張邦聘秀才

贈金將軍進父

太霞山人謔贈周郡博象賢

訪顧願父因登大石醉中作短歌贈之



雙珠篇贈王受吾連舉二子

戲贈楊伯翼

與君房對酒歌

賦得紅藥翻飲箕仲

花前酒謠勸飲者

以葉生太叔詩呈張大司馬

賦得狼山絕頂遇大風雨歌送顧益卿按察北

上

夢中作

江上月夜懷黃孔昭因成短歌

留別林通州登卿

醉卧偶作

賦得靈峯洞行荅袁黃巖見寄

為王元美廷尉題梅竹雙清卷

庚辰五月十六日集青浦署中同田叔開之百

穀

五豪歌

吳生行贈叔嘉

明霞篇

大鄣汪生行寄贈伯耳

有序

題周秉忠寫春山欲雨圖為傅七明府作

十月望日沈虞部王別駕邀同徐明府汎舟太

湖看落照至夜午還浮玉洲看月詩

送沈尚寶純父北上長歌行

孫禹錫溪上雙藤歌

孫生行贈禹錫

高生子游行



蔡府主爾通祖公遣小史以手書俸金為賜兼以民瘼下詢臣不敢有所陳對謝以長歌一

首共三百八字

長歌行贈汪伯玉司馬

醉歌行贈汪仲子仲淹

豐對樓詩選卷第六

用句東沈明臣嘉則父著

從子沈九疇箕仲氏選

七言古詩

佳公子行

潘郎佳公子意氣良足欽結客多長者阿堵無黃金  
朝開珠履館莫宴清華林嬋娟故婉婉金谷何沉沉  
高閔隘車騎錦陌馳纓簪欲傾金張客願輸羸亥心  
柰何日月改庭柯變鳴禽翻憐少年事自謂不如今  
折節下甕牖矩步憲儒箴華堂散緗帙丘中理鳴琴



朗朗照秋水暢然振流音眉宇澹玄度意色殊蕭森  
嗟余皓首落魄士不覺坐嘯開冲襟問君何時一鼓  
棹千里雪夜來山陰

留別吳邵武明卿

諸侯不下士大夫不親賢此事蓋已久俯嘆心茫然  
使君古諸侯愛客何翩翩濁世佳公子磊落青雲前  
我來客昭陽五馬時周旋下榻款孺子倒屣迎仲宣  
欣賞高士識玄談達人篇余病禪棲更日月使者相  
望大道邊知君好士若饑渴使我感激彈哀絃夜半  
起擊珊瑚鞭自顧腰間雙白蓮耳後雄風生颯然爲

君報稱知何年浮雲層層落青天霎眼不見空人憐  
余歸山中弄紫烟東海誰云無仲連君能楚舞且能  
楚譌陽春白雪知音則那高天落日愁正多鯉魚吹  
風生白波閩溪清清奈人何

別贈吳山人子充

山人偉然丈夫子雪髯脩幹乾坤裏一劍曾穿五嶽  
雲雙眉尚挂龍湫水昔年長揖游帝京雄譚繡筆凌  
公卿眉睫之間眇天地七貴五侯驚姓名明時獨抱  
籌邊畫自能談笑清疆場萬里胡沙仗馬箠曾連終  
謝將軍客黃金結客家故貧歸來不對妻兒嗔仰天



長嘯看白日濁世豈掩英雄人避亂移居冶城裏長  
吟閣靜春風起建業青山高枕中六朝一夢空流水  
偶然作客來臨安峨峨水雪吳山攢與我相逢各言  
晚吐心一盡平生驩吳山人獨奈何鳳皇不棲烏鵲  
柯驂騶跛蹶奴隸呵相逢不樂空蹉跎

留別吳子荆九客館

雕窓畫柱菱花古春霧暖香青滴礎白日深深十二  
樓不買吳姬貯歌舞東壁虹霓射紫微縹緗鄴架傾  
秦府禹鼎文鏤百怪愁隋珠趙璧千靈怒玉研綠光  
沉楚烟琉璃鏡色秋蟾吐虎頭彩筆匣中留螾爪珍

書案頭譜吳生閉門禮九客痴夢騰騰過天午綠皮  
老桐蒼桂枝斜月踈櫺響秋雨閣外青天無片雲孤  
舟明月相思浦

憶昔行留別朱顧二子

憶昔少年不解事鉛槧空將六經刺白首翻然棄小  
儒已失平生丈夫志一生愛作司馬遊三湘春雨九  
疑秋碣石宮前青海濶玉門關外黃河流眼底微茫  
隘吳越桐栢金庭亦騷屑卷幔牀頭挂石梁脫屣門  
前探禹穴今年不赴楚王醴郢人空賦梁園雪章臺  
柳色向何人閒殺春江大隄月朱生顧郎兩知己兄



弟相親垂二紀說劍寒生座上風開琴暗瀉絃中水  
古來結交重廉藺肝膽今當向誰盡莫道狂夫老更  
狂仍餘白眼愁難近世人皮相堪自憐昨日相知今  
不然明月翻將作魚目頓收豎子疑大賢大鵬自負  
垂天翼九萬搏風六月息么麼羸螺那得知踢翻崑  
崙四瀆塞明日揚帆別君去五湖晴白揚州樹淮陽  
太守差可人側身擁篲迎賓處十月黃河冰已堅岱  
嶽突兀青天懸吾將一放中原目盪胸裂背開雲烟  
掀髯大笑問吾黨始知稷下空譚天君將問我何時  
還日觀高峰吾自攀漢家不草封禪制相如今在布  
衣間白雲茫茫流水泱泱來日苦短去日苦長今有  
旨酒樂且未央我醉君莫挽君醉我莫居請君爲我  
加餐飯早覓春鴻一寄書

遠遊篇贈梁六伯龍

未知君面知君名知君已是人中英少年讀書未得  
意仗劍躍馬遊燕京燕京易水千年在英雄意氣移  
山海尚有悲謠擊筑人君今此去應先采况聞君心  
壯頗如馬子長從吳上齊魯拜揖闕里堂泰山之巔  
觀日出可以東面窺扶桑天風吹身雲霧上坐俯九  
垓天似掌茫茫元氣盪心胷人世勞勞空悒快南望



大梁墟黃河裊如帶衛水東流日夜聲信陵公子今  
何在願君一出夷門道再訪侯嬴與朱亥馬首西趨  
函谷關皚皚白雪照秦山當年據險吞六國豈知二  
世捐人寰君王將相起豐沛多在錐埋屠販間相逢  
莫作皮相士四海結交從此始沆沆浮湘縱所如蒼  
梧綿竹乾坤裏丈夫墮地爲白駒一日何妨走千里  
羲和曾馭日愚公欲移山人生百歲天地間毋使白  
日凋朱顏嗟余坐一室四壁何所見犬馬空慙四十  
年白首無由投筆硯壯君遊慕君素慷慨爲君作長  
句萬方文獻會成均勸君莫道儒冠悞

贈紫霞山人詩

紫霞山人雙眼碧短髮垂肩照人白餐霞吸露三十  
年面有桃花紺珠色自言本是寰中人一朝棄家如  
棄塵青山石屋閉瑤草丹竈雲房接大椿桃笙引月  
出海底黃鶴凌空度遼水手提龍角挂珊瑚口誦蕊  
珠開玉齒夜涼河漢縱復橫步虛縹緲傳天聲駕雲  
飛去蓬萊裏赤帝紫皇携手行嗟余塵心不得斷海  
水空憐眼前滿何日從君禮白雲騎二茆龍吹鳳管

贈俞士行

俞生九歲能騎馬十二彎弓射鵬下讀書懶作儒生



名十八提刀身衣赭手斬倭奴刃貫曾劍光蕩爍青  
芙蓉高眉濶額雙長目挺挺七尺人中龍結交願結  
天下士排難將身脫公子酒徒俠客紛滿堂屠販椎  
埋竟誰是風塵落魄今幾春散却黃金不計貧烟花  
屢月醉未醒翻然折節師通人悛悛授經坐講席口  
諷孫吳手投石雄心直是薄風雷大勇期爲萬人敵  
相逢今日且爲歡取印封侯事不難丈夫心中一斗  
血湏作長城萬里丹

賦得廣陵濤贈李紹植

廣陵之濤天下無曲江夫乃陽侯都年年八月望三

日排山擣海扶桑枯白日雷聲走百里青天雪色吞  
三吳混沌崩轟天地坼磕軋盤涌鯨鰲扶噓吸元氣  
何所自顛倒地軸天吳呼赤岸茫茫摧萬里急走青  
蔑水夷珠鳥不得飛獸不走老龍畏懾狂蛟誅伍公  
胥毋怒未解白馬駕濤提赤符上擊下律壯士死萬  
弩齊發愁陽烏廣陵之濤信若此我欲賦之才短耳  
枚叔已死陳琳亡李生文章差可儼李生手提一卷  
經仲尼筆削游夏譙左氏公穀何爲者膏肓攻擊徒  
縱橫嗟哉李生不可及同時說詩有陸弼春風一夜  
吹廣陵二生豈困蓬蒿室



贈嶺南張邦聘秀才

漢家射策羅英才章句小儒翻見推雕虫快奪龍虎  
氣攘桷遂嗤梁棟材壯夫何由刺霄漢國士久矣埋  
塵埃吁嗟我生頭半白感慨宇宙多悲哀今年作客  
昭陽郡笑口始向吳公開吳公自是天下士四方豪  
儁能招徠嶺南張生千里至笑談突兀生風雷七尺  
長軀伸兩臂豈肯滅沒隨蒿萊一朝破却萬金產報  
仇雪耻何雄哉腰間寶刀血不洗海水倒流山岳摧  
斬將殺人如刈菅燒山煮水同然煤龍且自取國步  
促李陵誰遣家聲墮咄嗟孺子不足數低眉濁世空

徘徊壯夫在眼國士起使我雄心向汝回青天萬里  
白日濶對汝且傾三百杯匣中請寶古巨闕廐下且  
養真龍媒陰風淒淒吹兩耳落日不見黃金臺漲海  
連空瘴雲黑君自請纓何處來

贈金將軍進父

名科烏傷人

君不見烏傷金將軍年未四十天下聞耻以雕虫老  
牖下願將寶劍樹功勳英風凜然身七尺紫眉星眸  
髯似戟韜鈴秘畧翻五車大黃谿子挽三石一朝杖  
策入轅門大帥戚公威令尊英雄意氣魚水合長驅  
萬里摧崑崙七閩鯨鯢時跳擲白骨成山海波赤將



豐登樓詩選 卷六  
軍叱詫起風雷覆軍禽將稱無敵島血腥腥濺鐵衣  
朱旗常並火雲飛伏波營中露布出樓船隊裏凱歌  
歸聲名一日飛天上公卿侯王喜相向遠封都護鎮  
邊疆東南長城數名將丈夫得志信有時揮霍乾坤  
功獨竒何啻漢家班定遠將軍今日是男兒漲海鱣  
魚雖自徙餘孽猶能作風雨飲飛斬取在須臾須憑  
一劍非干羽西羌北虜屢窺邊聖人未得高枕眠君  
本冠軍忠義士何時一戰勒燕然

太霞山人謠贈周郡博象賢

渾沌死鴻濛分老鰲斷足八極尊南霍北恒中岱嶽

東撐華蓋西崑崙擘天劃地止不得女媧補石今空  
存哀牢之山萬餘里又隔滇池幾重水太霞古洞真  
絕竒盤古先人未曾死人間巧相俱備全無情有情  
殊可憐神功鬼德勅帝命雕鏤亦是天使然邃古幽  
深誰可到千秋積雪封丹竈五色苔花鮮照人玉膏  
瓊乳寒堪療周郎骨相稱異人山中讀書經幾春自  
言白日見光怪對酒脯劈生麒麟一朝出山走朝市  
抱璞懷珍獻天子勺漏丹砂乞未終漢吏秦官稱博  
士博士今來東海東蓬萊只尺三神宮明珠采得鮫  
人室鐵網取盡珊瑚紅余本狂夫甘在野五月披裘



負薪者不特相逢途路間被之華衮情殊寫上古我  
不知中古吾聞耳阿衡本是畊釣人後來誦法皆孔  
子君亦何爲困下僚漆園執戟聊復爾笑殺紛紛世  
上徒只以空言博青紫

訪顧願父因登大石醉中作短詞贈之

秋山曉色青如靛有客扣門尋顧願昨日城中買藥  
回風塵不染青山面門前沽酒繫我航竹裏呼童治  
厨傳策杖便作陽山遊陽山之坳大石頭振衣一放  
千里目對酒長銷萬古愁有地空憐公聖墳何山却  
塋夫差骨夫差本是英雄人勾踐于今亦何物與君

飲酒且大醉願將米汁澆金佛富貴浮雲何足言纍  
纍塚墓作平田君家舊本文章裔直繼逋翁與彥先  
君不見古人今人去若流誰把黃金鑄得不至今香  
名滿人口唯有酒人詩客留

雙珠篇贈王受吾連舉二子

君不見王家掌上雙明珠忽如青天飛白榆照乘豈  
但各十二光連日月懸九衢金支翠旗相朗映光怪  
低昂乍有無十洲奪取鯨鯢目九館跪將痴龍鬚吐  
從瀛海紺翼鳥列作層城絳樹株自識秋波映圓折  
誰云積翠重珊瑚宮懸黑漆靈難隱水媚丹淵岸不



枯珮解湘臯臺下女步搖沉水屑中姝陽燧木難真  
兩美黃支赤蚌並稱都蓋飾九華光照月鳳啣四角  
錦垂襦夫餘似棗元非僞罔象探玄定不誣魚報漢  
恩春沼戲鶴懷噲德夜門趨頷下齊來明月似蚌中  
雙割夜光俱蟾摩陰燧津爲水客賣鮫鮓滴滿盃並  
坐映人稱衛子同游擲米笑麻姑大秦國寶誰家有  
漢樹庭花此日鋪定不暗投當按劍豈應彈雀詆爲  
愚人人手握靈蛇在自解裙襦作大儒

戲贈楊伯翼

誰家小兒楊德祖青天之鵲丹林虎氣猛翮健凌秋

風膽雄力王不授撫騷壇忽樹五丈旗自喜少年能  
跋扈嗟我老大筆力衰尚然技癢鼓餘怒酒酣登壇  
賦大言共說將軍老還武將軍號令選褊裨汝作先  
鋒領旗鼓鵠兮虎兮誰敢侮世上凡兒何足數君不  
見楊德祖

與君房對酒詞

憐君三走長安道空見落花滿芳草千門萬戶自流  
鶯青衫却爲紅塵老春風吹人歸故園江南六月荷  
花鮮相對花前一尊酒莫使愁腸挂吾口燕金楚璧  
徒紛紛願君沉醉且勿論東隣白苧新可聞西施浣



紗石乃在苧羅側一朝選入吳王宮姑蘇妖艷無顏色  
荷花正比西施面出水紅妝誰不羨綠羅金釧采蓮人  
謫罷一聲君不見

賦得紅藥翻飲箕仲

今年山中春事早三月未半百花老玫瑰紅稀紅藥  
翻辛夷落盡薔薇香薔薇香紅藥翻雙花一幹紅珊  
珊綺翼死央結錦帶歲蕤紫鳳聞朱闌含驕倚恨愁  
無力侍女欲扶扶不得未信長門陳后啼空令團扇  
班姬泣我欲臨風一賞之當階置酒安足辭飄雨零  
風霎然至明朝已是離披時白頭老人愁殺汝汝應

笑我愁如許且向花前惜歲年彭殤未用悲男女

花前酒謠勸飲者余鄉名櫟社北有宋厲侍郎

墓南有明聞天官墓

朝登侍郎墓蔓然一丘青草路牛羊作踐石碣亡有  
姓無名人莫顧暮登尚書墳石馬兩行翁仲分子孫  
滿眼正華盛年年寒食紙錢焚侍郎尚書閱世多生  
前事業知如何千秋萬歲亦旦暮古人墳墓今人過  
古人今人若流水墳墳墓墓何時已今日我輩嗟古  
人它年人亦嗟吾輩人生有酒但飲之身強無事且  
莫辭昨日穠花今日老今夕月圓明夕虧尚書墓侍



即墳其人其骨皆已朽死後之名亦何有不如今日  
花前酒

以葉生太叔詩呈張大司馬

何物寧馨葉生者新詩照乘珠滿把幽怪殊開汲塚  
雲古質鷲提未央瓦箭簇銅花綠血殷昆刀玉錯寒  
流瀉千年古鑛蝕啼痕夜半荒坑射殘竿白鼉作鼓  
裂天門南山吼死洪鍾啞鬼仙已謝李王孫詭譎難  
誇玉川也即今論才莫可同居然屈宋鞭箠下鯁生  
得士竊自竒不敢私之老鄉社大國觀風季也聰東  
海泱泱誰大雅不能清廟薦珪璋獨獻飛黃向司馬

賦得狼山絕頂遇大風雨詩送顧益卿按察北

上

黑雲壓天天半黃大風撼山山欲狂飛沙走石卒然  
起江水倒挂天河傍猛虎毛拳縮如蝟老蛟首觸冰  
濤碎砂石打人當面來急雨橫暴乾坤沸突驚淮陰  
奪趙幟忽駭長平白起至絕似迅雷不掩耳大叫狂  
呼此竒事須臾坐定江水平青山兩岸芙蓉生何物  
痴龍幻人眼戲與天地相喧爭將軍開筵宴上客選  
地高樓在天側翠微濕處飛羽觴白日雲中響龍笛  
酒酣興豪客起舞徙席樓船伐鼉鼓五色旌旗奪綵



豐壘樓詩選 卷六 三首  
霞萬頃澄波明練組筵中大夫顧虎頭手曾十萬提  
豨豨漲海功高不自叙書生何用取封侯明朝復上  
燕山道秋風馬前吹綠草平生蠓螟視蛟龍大風不  
驚翻絕倒

夢中作

匹夫自笑憂空大昨夜無端夢天破煉石徒勞五色  
成袖手低頭屋中坐客携斗酒過我門相與一醉論  
乾坤負鼎潜能徙滄海風雨夜半摧崑崙匹夫有耳  
願不聞匹夫有眼願自昏願將此語聞至尊白日莫  
令狐兔紛有酒有酒不敢吞悲謔擊碎白玉盆君不

見挽捨星燭帝閭

江上月夜懷黃孔昭因成短謔

與君相思十載強與君相見俱異鄉海南天北未爲  
遠握手各吐平生腸平生有腸各五色吐向何人人  
莫測閉戶空山弄白雲對客青天但捫虱狂生頭白  
浪得名有舌那敢徒縱橫碣石宮前萬里道我脚不  
及君獨行我問君君答我田先生塋何所漸離筑吊  
荆卿魂易水波寒白日墮年少我能飲聞君亦浮白  
即今君病我願醒對面空令酒人惜昨夜霜高月一  
天海氣不生銷綠烟長江繞脚衣帶小吳楚閩越俱



眼前此時思君不可得狂歌自把珊瑚擊珊瑚碎落  
江水平忽見中天片雲黑美人美人兮何不携我而  
西之使我日夜長相思手種白榆當何時

留別林通州登卿

淮南春盡青天熱風起楊花飛作雪越客離鄉歲已  
多與君痛作江頭別君本含香天上郎一麾出守乃  
江鄉漢吏唯尊二千石况當汲鄭與龔黃海城七里  
十萬戶住近三吳愛謠舞家家醜酒樂昇平海神廟  
裏來搗鼓鼓聲日夜狼山巔白浪無花龍晏眠嗟予  
旅食忽三載關尹空留著五千此情脉脉憑誰語幾  
度江花濕江雨潮聲東去復西迴不覺春帆滯芳杜  
人間離別何足論黯然獨銷知己魂廣陵渡頭一歸  
客落日靡蕪何處村

醉卧偶作

鼓刀屠狗起豐沛將相侯王多此輩販繒吹簫不解  
卑射獵種瓜忘却貴丈夫提劍出國門两眼已自空  
乾坤乘時遇主取大物山河入手茆土尊風雲變化  
如反掌昨日賤貧安足論嗟嗟古人乃如此刺刺秋  
風吹兩耳即今四海正清平縱有經綸向誰使不如  
醉卧青山中玉棺下來便堪死



賦得靈峯洞行峇袁黃巖文毅見寄

海雲如油雨未歇客愁不破眦欲裂忽驚使者飛尺  
書仙吏緘從武林發開手一讀靈峯篇頓使心魂濯  
紫淵謝公嶺頭入谷口洞前日月開何年其中百怪  
眼莫盡偃芝駢筍參青天我思一游未可得夢想徒  
勞片雲隔遙知色相出神奇負鑿湏憑鬼丁力窈窕  
花源何處深縱橫峭壁無絲靦洞朗高寒詫月宮削  
成太華相爭雄員嶠層城莫湏有羅浮衡霍將無同  
五色雲霞繪天地九重閭闔朝群帝豈是金銀作殿  
臺寧非瓊玖栽花樹蓬萊三神山崑崙十二樓閭風

接玄圃翠海環丹丘借問有此不意者猶不佻請君  
廡下雙龍馬朝抹吳都夕越野對飯胡麻宿洞中劉  
卽爲君阮爲我寄聲劉阮舊時人流水桃花路更新  
莫使重來迷處所好將雲月作通津

爲王元美廷尉題梅竹雙清卷

弇山之堂秋氣涼主客密坐開縑緗手披一軸指相  
示剡楮玉白生古香梅花一枝雪欲墮竹葉橫侵三  
五箇帳前陟見月先流耳畔似聞風欲過剖分風月  
號雙清不知作者誰姓名王冕吳鎮兩敵手竹枝瀟  
洒梅縱橫冕筆常繁今更鮮粉痕畧校梨花淺高枕



青山不出門，鳳無聲。夢初轉，鎮譜流傳千萬竿。籜龍夜卷波濤寒，長梢忽斷鳳凰尾。琅玕半截春雲殘，摩娑老眼看未歇。梅更宜風竹，宜雪坐使心魂一夜飛羅浮客，向瀟湘別。

庚辰五月十六日集青浦署中同田叔開之百

穀

五月紅雲火光烈，江雨才收海風熱。我搖一舸自東來，滿湖正值荷花發。香氣吹人白苧涼，衙齋坐客皆琳琅。哦詩作賦了不輟，調笑絕倒唯王郎。手提如意醉起舞，白髮山人健如虎。晚來雲月半昏黃，瞞天忽

作五雜組，屠卿潘令花滿庭。鳴絃落筆皆丹青，秋官孫子有家法。出語亦復持典刑，座中馮生最痴絕。世上紛華等飄雪，眼前萬頃太湖雲。便可千秋弄烟月

五豪詞

何來王郎舌作刀，雕畫人物分秋毫。馮生朗朗秋旻高，大海白日安波濤。銅馬王署不得改，屠卿宰封心日勞。隻手簸天平，怒颺陽侯遠。遁龍母逃田叔不肯留，西曹偶來東遊操一舸。逃禪往往遵白袍，白頭老人吾自叨。騷壇此日稱五豪，青蓮豈復謔鳴臯。吳鹽雪花點葡萄，請君無言進清醪。明日秋風俱二毛



吳生行贈叔嘉

吳生好奇走江海腰間櫛具發光彩如掾雄筆驚鬼神滿橐新詩怒真宰自言去歲荆楚游飲酒吸乾鸚武洲脚踏匡廬九江雨目覽八桂蒼梧秋楚狂吳舍人粵客張京兆自免家居卧武昌謫官拂袖歸蠻徼本向吳生作酒徒題詩何乃多商調我亦故人相問訊結交自昔嗟廉藺齷齪細謹空爾爲誰能死縮通侯印君胡不獵頭上纓君胡不翻案上觥舉棖拔戟拉其首罵殺當筵老秃傖吁嗟乎江漢之波綠如玉糞土之塵那可辱不及吳生兩屨泥三向華陽洞中

宿

明霞篇

殘紅未斷雨氣歇炯炯空中飛列缺車馬旌旗乍有無翠幌金支半明滅日輪已隱萬層雲陽光獨射千重甲千重甲作五明霞萬層雲結萬枝花九苞靈鳳雙雙舉七寶仙幢隊隊斜始知天上非凡比自信雲中全是綺寫來鸞鶴本生成畫出芙蓉真不死魂驚漢帝東巡幸神悸秦皇西出師不然那得軍容盛若箇威儀如此奇諸天豈是朝群帝龍麾虎纛傾天地頓令人世識仙鄉忽吃乾坤落何處紫塞遙憐接赤



城銅梁玉壘半天橫  
閬風十二瓊樓起  
瑤島三千繡蓋迎  
繡蓋瓊樓何足擬  
葳蕤正是雲霄裏  
珠簾葉剪玉瓊瓏  
翠碣花搖金旖旎  
旖旎瓊瓏總是奇  
千門萬戶轉逶迤  
芝童盡戀華軒御  
嬌女頻思錦帶披  
錦帶華軒誰第一  
明眸瀲灩明霞質  
相思相愛儘相隨  
天上人間會相失  
樓臺蜃氣即吹成  
底是明霞變幻輕  
風從蘋末微微起  
瞬息青天一片平

大鄣汪生行寄贈伯耳

有序

伯耳投筆取封侯之業  
非僕所樂聞僕願其  
建騷壇赤幟鼓後來之雋  
故有此寄

大鄣汪生奇雋士  
開口新詩操正始  
近來作者如堵墻  
紛紜么麼何足齒  
滑稽性傲狂且豪  
大言喇笑多戲嘲  
曹劉乃許執牛耳  
屈宋始合稱風騷  
任俠倜儻復好酒  
飲能一石少五斗  
磊落縱橫一片心  
世間齷齪不挂口  
大鵬九萬北冥飛  
青天不闕丹鳳輝  
手提文章換日月  
何事低眉愁布衣  
歷覽乾坤俯寥廓  
名山大川借雄作  
抵掌夔龍不足多  
捧腹巢由亦何惡  
思君訊君知所以  
信是天都一男子  
黃山靈藥可延年  
東海長竿足垂餌  
出身何必執金吾  
豈是無官不丈夫  
莫輕七寸銀不律  
金印如斗何爲乎  
嗚呼金印



如斗何爲乎衛青去病終人奴相如著就大人賦一  
日天子親招呼縱令天子不招呼何失高陽舊酒徒  
長鎗大劍君且止馬邑龍堆開馬市李陵臺畔秋草  
長蘇武澤中春水起

題周秉忠寫春山欲雨圖爲傅七明府作

東風吹海雨勢緊千山萬山雲欲盡北澗蒸蒸白氣  
騰南溪冉冉蒼烟引花迷城闕隱樓臺柳暗郊原生  
紫埃飛鳥投林急如箭遊魚出水浮萍開茅屋村村  
鳩逐婦垂楊樹樹鶯相妬麥浪青翻風半斜菜畦黃  
失全迷霧何處行舟欲下帆歸人趨走疾於颿却笑

持竿護雞客猶窺書卷看青衫長松翠虬鬱沒頂深  
竹高篁暗無影漁人收網入蘆汀樵客腰鎌投北嶺  
欲來未來天半濕滄江鷗鷺紛紛集雷聲隱隱過南  
山風色蕭蕭吹轉急此時琴罷逍遙坐越水吳山眼  
前過高樓低壓洞庭寒畫檻遙吞東海大盤礴真當  
老画師解衣落筆寫春姿曾中雲夢且八九吳淞半  
剪波淋漓周生豈是尋常者三絕三癡相上下請君  
再作沃洲圖鏡湖之水當天瀉

十月望日沈虞部王別駕邀同徐明府汎舟太湖  
看落照至夜午還浮玉洲看月詩



王生沈郎真絕妙邀客太湖看落照并召令君同我行  
青雀如龍鼉鼓鬧是時陰霾凍不分天爲使君裂  
層雲須臾迸出火輪影黃金烟爍玻璃紋萬疊吳山  
青挂北何似羨陂純浸黑平波不動天鏡開洞庭如  
眉画雙碧西南遠望神欲迷混茫天水無端倪馮夷  
之宮倘其是神鬼恍忽驅虹霓魚龍出沒不可測江  
妃神女遙難即翠幌金支乍有無鳳旗鸞霧疑相逼  
衆客豪狂興莫羈鯨吞鰲飲紛淋漓眈眈乾坤在掌  
股嘯呼風雨生鬚眉使君更是探竒客手取明珠領  
下得驪龍酣睡不敢醒船頭飲酒盡一石小艇如飛

發棹歌欸乃欲斷聲流波碎鮮割膾堆白雪銀盤疊  
几高嵯峨東林入暮烟霧消青天吐月頭上高錦帆  
直放銀河去極浦參差吹洞簫使君此時樂更甚口  
若懸河心是錦秀句驚人和者稀十月陽春落衣袵  
搗鼓再過浮玉洲水光浸月天倒流金壺竹下傳琥  
珀玉童花底彈箜篌四更客散月斜處微有江風動  
江樹白頭詞賦老相如醉別臨邛令君去

送沈尚寶純父北上長詩行

沈生肝膽真鐵石眉宇清揚髯似戟爲郎不忍國是  
非高隼乘墉急彈射一時危論稱六臣丁丑長星掃



豐聖林詩選 卷六 三十一  
辰極生也不從杖下死萬里投荒流電白漢賊今逢  
聖人怒一日青天浣烟霧六臣鵲起居要津七年重  
識朝天路熏衣尚璽侍朝堂即是當年執戟即雲中  
近識天顏喜日下時聞御鼎香紛紛劍履摩鴛篋袞  
袞夔龍作鳳皇此日送君情不極金昌舊是吳王國  
祠廟唯存伍子胥名姓獨傳范少伯莫言霸者無諍  
臣天王此日收長策楚猴依然化腐鼠長蛇糜爛巴  
江渚遂令宇宙轉陶唐頓使江湖進伊呂請君鼓柁  
急西征至尊極目勞當宁

孫禹錫溪上雙藤歌

溪上古藤如許大不但一株且兩箇蒼皮萬尺病蛟  
纏白骨千尋老龍蛻正值新春未作花斜盤亂結蔓  
如爪牽黃裊綠蚓不解走隙穿虛蛇入窠圈環紐玦  
無不有微索纏綿紛左右低從九地飲黃泉高入五  
雲吸天酒根強五石甕盤泥枝聯千手佛攀梯霧翳  
碧油幢蓋密風開翠幌洞門低仙人宛矣乘風御公  
子遙張青錦駐花繁葉簇鱗鬣猱風雨初來欲飛去  
竒柯忽引上青天綠繩牢綰堪秋千夕陽靜照百戲  
舞紫絲步障流春烟丹霜夜染楓林下赤虬巧向秋  
空挂我欲據此彈箜篌人不敢窺山鬼怕最愛水邊



豐堊樓詩選 卷六  
連理樹夜深曾有仙姬遇桃花不見武陵津昔日相逢竟何處

孫生行贈禹錫

孫生有叔師王孟一邑稱詩推獨盛泱泱何如大國風彬彬正始真堪詠生也家風迥出群凌空掃電驅千軍小小詞壇即南面綠水白苧江左聞乃今折節追大雅淫哇唾棄沾沾者南邦賸鼎真足羞北里僞珠終莫假不特文章絕等倫豪飲亦復娛青春破產願結任俠士伏櫪且換傾城人昨日逢予溪水上枕席糟丘不相放鷓鴣典盡口不言寶劍牀頭光一文

自云丈夫恣意且行樂貧賤胡然嗟瓠落君不見揚執戟非無官劇秦而美新不免自投閣又不見石散騎豈無財綠珠墜金谷不免東市斲我雖貧賤何足哀對客且與傾罇壘感君意氣賦長句高歌落日悲風來

高生子游行

高生余家所自出面如玉盤皎白日雙眉刷翠心乳開年少丹青凌健筆昨持一幅過我堂白描游絲追子昂再進公麟與道子右丞亦許相頡頏古人不必兼衆藝吮墨含丹要精誼十日画一山五日画一樹



興到頃刻翻波濤醉揮滿眼須生氣嘉陵山水無粉  
本一日寫成心所記邊鸞孔雀生繡綵張藻松枝鬱  
春翠君不見當時李將軍畫壁夜卧聞水聲又不見  
王潑墨島嶼烟沙觸手成花枝欲動蜂蝶至地獄變  
相都人驚所以大匠手運斤而成風解衣盤礴坐始  
稱真画師天生此腕汝既得好聽勇言無我疑過庭  
再向阿翁問丹青之理誰最知

蔡府主爾通祖公遣小史以手書俸金爲賜兼  
以民瘼下詢臣不敢有所陳對謝以長詩一  
首共三百八字

老人日高卧未起門前秋溪明綠水剥啄柴扉忽有  
人乃是投書府公史府公尊重二千石五馬如龍飛  
霹靂腰橫黃金坐黃堂怒則秋霜喜春色長跼讀書  
書八行八行字字挾風霜尾署朱提分厚祿買酒足  
以膏枯腸久矣諸侯不下士白屋何由睹青紫翩翩  
濁世蔡中郎乃獨殷勤饋雙鯉前年剖符新到州俸  
錢歲書先遠投仲舉下榻延孺子亦復躡履迎周璆  
臣也徒然隱樵釣口唱康衢太平調公等治郡真龔  
黃欲進一言慚少效雖然不敢虛芻蕘即今所急唯  
兩條哆口高談豈吾事願以古語陳風謠南陽太守



好興利堤閼開溝數十處灌溉歲增三萬頃所居民  
富徵卿去長安諸偷難遍捺張敞禁之如振落首長  
數人皆富豪赭汙衣裾盡收縛公清如水平如衡手  
提赤管判死生侏儒淫褻道以禮細民始識尊神明  
東海化成朞月耳直指應須報天子璽書增秩賜黃  
金借寇一年無奪此

長調行贈汪伯玉司馬

漢家文章兩司馬長卿富艷子長雅千餘年來接者  
誰中間寥寥無作者大明十廟當世宗右文之化成  
嘉隆東海王君少司寇新安司馬汪長公兩公筆力

若扛鼎東海濶大新安工即如兩公旗鼓立當場挑  
戰誰敢出非無陸梁二三子終是偏裨少軍率今之  
司馬匹左氏大言嚴謹小言肆東海雍容兩馬間稍  
讓汪公擅竒字汪公有文復有武大閱巡邊更開府  
至今沙漠無王庭銅柱高標振閩楚卧歸黃山已十  
年風氣大豁東南天逸駕能令俗轍改竒文頓使先  
秦傳後來俊士稱夫子前輩先生識大賢沈郎自是  
一男子頗別淄澠辨朱紫爲君談笑作狂歌泱泱大  
風溟渤起

醉歌行贈汪仲子仲淹



新都司馬善飲酒飲中八仙不挂口仲子頗有伯氏  
風大則一石少五斗五斗雖云足解醒游於酒人藏  
姓名即非燕市荆卿者絕是江東阮步兵巢飲水飲  
無不可高陽之徒其柰我白日在天月在花對客且  
持金叵羅使酒何曾似潁川濁賢清聖皆自然玉山  
難頽笑開口白眼直挂青天邊長鯨吸海虹吸澗捲  
波拍船騁雄辯次公元是醒而狂斷不肯從妻子諫  
持螯有手君不聞獨醒大夫非所論悲歌慷慨快志  
意御史執法空紛紛驩然道故醉六七墮珥遺簪態  
非一錦箏聲裏鷓鴣飛繡帳風前鸚武疾約我它白  
長安街屏列如花十二釵痛飲何辭一醉殺荷鋪奇  
許同君埋

豐對樓詩選卷第六



皇聖社言選

卷六

三

三十九





